

# San Nicolas Football Foundation a bira un realidad.

STA. CRUZ -- Diabierna pa exactamente 15.30 na notaris Yarzagaray stichting San Nicolas Football Foundation a bira oficialmente e prome stichting di futbol funda pa e barrio di San Nicolas. Nos ta gradici na prome lugar tur majornan i hungadornan di futbol di San Nicolas pa nan sosten

i confiansa deposita den nos tambe nos ta gradici di henter nos corason San Nicolas Enterprice pa nan judansa cu transportacion un danki tambe na ASU pa nan apoyo duna na nos. Tur muchanan di pariba di brug ta welkom den nos fundacion cu no ta cobra contributie pa participa den nos stichting. Nos lo

percura pa tur materialnan necesario pa nos muchanan di San Nicolas por practica futbol. Nos ta tuma muchanan di 4 anja bai ariba. Nos ta participa tambe cu nos lo bai cu un equipo den division 2 den e proximo temporada, Nos equipo ta den preparacion fuerte i ya ta realizando tur siman 2x weganan

di fogueo. Head coach ta Patricio (bob) Leonard, Ruben Geerman, James Arrindell tambe nos lo hanja judansa di Sr. Herbert Beeldsnijder. Pa muchanan di 4 anja pariba nos ta train tur diamars i diahuebs pa e menor te cu division nos ta train dialuna diamars. Diarason i diahuebs tin weganan di

fogueo. Tur training ta tuma lugar den Joe Laveist. President di e fundacion ta Sra. Roxana Maduro. Secretaria; Sra. Judith Charles Tesorera: Sra. Dianne Lioe-A-Tjam. Pronto nos lo instala e commission cu lo yudanos i guianos.